



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Richardi Arsdekin Soc. Jesu Sac. Theol. Professoris.
Theologia Universa**

Archdekin, Richard

Dilingae, 1687

Cap. I. De Beatitudinis essentia: de Voluntario & Libero.

urn:nbn:de:hbz:466:1-38477

Angelorum *Via* fuit plusquam instantanea. Quia ex Augustin. Beatitudinem acceperunt in premium perfervantia, quæ dicit aliquam moram: fuit tamen, ex communis PP. ac DD. sensu, admodum brevis; quanta præcisè fuerit, determinari non potest.

Impeccabilitas non potest esse naturalis ulli creaturæ, adeoque nec Angelis. Hæc Asserio nititur sola auctoritate S. Augustini, aliorumque PP. ex Script. id colligentium: Nulla enim ratio per se convincit creaturam aliquam non posse per sua intrinseca determinari ad bonum honestum tantum, sicut potest per extrinseca Dei auxilia semper efficacia.

Primum peccatum Angelorum non fuit luxuria corporalis, ut voluit Orig. neque luxuria spiritualis sita in nimio sui amore, sed (ut ex Tobia 4. colligunt Athan. Aug. & Ambr.) *superbia*, sita, non in efficaciam præpotentiam æqualitatis cum Deo, quam sciebant esse impossibilem; neque in ambitione unionis hypostaticæ, cum hæc fuerit decreta post eorum peccatum: Sed in nimia sui estimatione & dilectione, qua ambierunt dominatum in cæteras creaturas, & nulli voluerunt subesse, nequidem Deo per actuale imperium ipsos gubernanti.

Quia hac ratione Lucifer, *Isa. 14. Ezech. 28.* voluit esse similis Altissimo, hoc est, libi ad beatitudinem sufficiens, & nullius imperio subiectus. Unde & videatur peccasse ex multiplici superbia: motivo & affectu, adeoque gravissime.

Parum ferius videtur conceptus P. Jacobi à S. Dominico, dum scribit in sua *Cassiopeia* l. i. c. 2. superbiæ Luciferi sita fusse in eo, quod voluerit assimilari Deo, non essendo, sed in agendo, scilicet absque physica prædeterminationis auxilio, contra quem Michael pro prædeterminatione illa decertans triumphavit, dicens, *Quis ut Deus?* Verum hoc neque apud D. Thomam, neque apud alios uspiam commemoratum reperimus.

Dæmones sunt *obstinati in malo*, ut quamvis physicè possint non peccare, cum ex *Dionysio*, naturalia retinentia integræ, moraliter tamen non possint: Quia sunt gratia destituti, & suis pœnis ad Dei odium vehementissime impulsi. Augustinus eis solum negat potentiam moralem ad bonum morale, non vero *Physicam*: id quoque dicendi non sunt habere physicam arbitrii inflexibilitatem.

Patiuntur à vero igne. Est hodie Catholica Doctrina, ex Script. & PP. ac præcipue ex S. Augustin. Non patiuntur ab igne eundem dolorem, quem anima corpori unita; istius enim doloris objectum est malum percepsum sensu, quo illi carent. Nec patiuntur per

solam alligationem ad locum, quæ non potest causare tantos cruciatus, quantos describunt Sancti Patres. Neque per vehementissimam apprehensionem suæ damnationis ab igne excitatam; sic enim in eis non differt pœna sensus à pœna damni. Sed verè patiuntur per qualitatem spiritualem doloriferam ab igne, ut Dei instrumento, ius impressam, quæ uruntur, non quidem propriæ, quod Spiritui repugnat: minus tamen impropriæ, quam in aliis sententiis supra expressis.

Ita *qualitas dolorifera*, est supernaturalis hoc sensu, quod superer omnem naturæ exigentiam, non quod fit ordinis diuini. Disconvenit illa qualitas Angelis seipso, ut factor odoratus. Dæmones habent complacentiam de malis hominum, non tamen *gaudium formale*, cuius sunt æquè incapaces, ac Beati veræ tristitia, cum gaudium illud meritò censerit possit aliquid pœna levamen, quod in damnatis non admittitur.

Infernus, locus est pœnalis damnatorum, horrore plenus, & à Beatorum sede remotissimus, in ipso terræ centro: Hoc indicat passim *Scriptura*. In eo semper aliqui dæmonum fuerunt post eorum peccatum: *Omnes* in illum deridentur post diem judicij. Modò aliqui ex iis versantur in aere, ubi puniuntur pœna essentiali, licet non accidentaliter detentionis in carcere infernali, de quâ pœna intelligi debent Script. & PP. dum indicant dæmones necedum esse absolute damnatos, scil. per sententiam illos ad carcerem infernalem perpetuè alligatam, quæ proferetur in die extremi judicij. De his fuse *Æsius* in 2. *Diss. 6. §. 14. Cornelius à Lapide* in 2. *Petri* 2. v. 4. aliisque.

Infernus capacitas pro innumeris multitudine damnatorum (sunt enim multo plures damnandi quam salvandi) est valde angusta. Quidam dicunt continere spatium sex Leucarum horiarum cum dimidia, secundum omnem dimensionem. Idem censem distare à superficie terræ 1237. leucis horariis. De hoc puncto latius tractat noster *Derkennis de Angelis* *Diss. 7. cap. 7.*

Hereses.

Contra hanc primam Theologiae Partem recensentur hæreses singulæ, cum suis Auctoriis, & refutantur, in fine Tomi primi hujus Operis pag. 143. sub hoc Titulo, *Notitia generalis Dogmatum ab Ecclesia damnatorum*, & sequuntur ordine Alphabetico sub his Titulis in particulari, pag. 149. *Deus, Beatitudo, pag. 147. &c. Creatura, Angelus, Mundus, Præscientia, Prædestination, Diabolus, Infernus.*

PRIMA SECUNDÆ DE BEATITUDINE, ACTIBVS HUMANIS, LEGIBVS, GRATIA, ET MERITO. CAPUT PRIMUM.

De Beatitudinis essentia: De Voluntario, & Libero arbitrio.

§. I.

Beatitudo.

Beatitudo supernaturalis & formalis non consistit in aliqua Unione Physica substantiae divinae cum sub-
R. P. Arfdekk. Tom. II.

stantia animæ, ut docuit Henricus à Gandavo, *Qnodlibet* 6. quest. 6. & quodlib. 13. quest. 12. Non etiam in vera & reali Transformatione animæ in Deum ut suum principium, ut docuerunt aliqui Contemplativi, quos redarguit Lessius, *de Summo Bono* Cap. 2. C. Dum

Esde
kin

Theo-
logia
D. V.

Dumigitur aliqui etiam Patres dicunt beatos in Deum transformari, intelligendi sunt de transformatione morali, quā Beati absorbentur in amorem Dei, & perfectam cum illius voluntate conformitatem.

Probabiliter viderur Beatitudinis formalis essentiam non consistere in *solo actū intellectus*, per visionem, ut vult *D. Thomas*: nec in *solo actū voluntatis* per amorem, ut docet *Scotus*: sed in *uroquis simul*, scilicet clara Dei visione, & perfecto ejus amore amicitia, Ita *D. Bonaventura*, & *plures alii*. Ratio est, quia per hos duos actus habetur *perfecta posse* summi Boni, in qua constitutus perfecta beatitudo & felicitas.

Confirmatur summoperē per extravagantem *Benedicti XII.* quae incipit, *Benedictus Deus*. Et per Decretum Conc. Viennensis, in Clementina *Dudum*, ubi dicitur, *Beatitudo consistere in visione & fruitione Dei*. Ex his existimare videtur *Vega*, & *Cordubensis*, assertione hanc esse definitam, quod tamen verius negat hic *Suarez*, & plures alii, ideoque sententia *hac non nisi probabilius* estimanda est.

Objectiones pro sententiis oppositis possint conciliari hac distinctione: Si beatitudo spectetur in genere *moris*, principaliter in *Amore* consistit, secus si in genere *Natura*, sive affectionis objecti perfecte satiati omnis desiderii. Nam ex *Visione* illius Amor necessario profluere debet, & sic utrumque saltem consecutivē necessariō connecti debet.

Visio *Efficiens* *divine*, sine *visione* *Personarum*, simpliciter bearer. Quia esset boni simpliciter infiniti possesso.

Visio beatifica est *necessaria*, ac *perpetua*. Quia sine perpetuitate, & quadam cognita, non esset perfecte satiati desiderii.

Beati *Visio reflexa* *suz* durationis perpetuae in decreto Dei, esset essentialiter indestruibilis, ideoque videatur repugnare. Quia deberet esse essentialiter vera, supposito quod à Deo semel producta fuerit, ideoque à parte post ratione objecti, sui scilicet iusti decreti, esset intrinsecè & essentialiter aeterna: ens autem intrinsecè & ex essentia sua aeternum & indestruibile repugnaret perfecto Dei Dominio illud pro libitu destruendi: id est; tale ens posse dari, *Suarez*, & *Vasquez* erroneum judicant.

Neque dicas, cum *Esparsa*, hoc posse intelligi tantum de ente quod ratione sua perfectionis esset indestruibile, non ratione talis objecti.

Responsum jam assignatum, utrumque evincere, repugnat enim ens ex sua intrinseca essentia repugnans Dominio Dei, ex quo cuncte predicata illa repugnativa proveniat.

Beati sunt simpliciter *impeccabiles*. Est de fide, in quo erravit *Origenes*. Et patet ex i. Petr. cap. 1. ubi beatitudo dicitur, *hereditas incorruptibilis*.

Potentia peccandi insensu divisa, non stat cum visione prout de facto datur; stat, si data fuisset ut in sua conservatione esset dependens ab aliquo actu libero Beatis imperato sub peccato. Quia tunc visio semper esset posterior isto actu, cuius proinde libertati nihil posset officere.

Non potest etiam stare visio cum ullo *Moralis*, etiam *habitualis*, imo nec cum ullo *venialis*. Quia est participatio divinitatis perfectissima, adeoque terminus divinae dilectionis ad perfectissimam Dei amicitiam elevantis: Cum qua amoris unione perfectissima, Dei offensa in nullo gradu consistit.

Vide plura de Visione Beatifica, Lumine gloria &c. supra Part. I. cap. 1. §. 2. de Visione Dei.

§. II.

Voluntarium.

*V*oluntarium sive spontaneum strictè, est quod procedit à voluntate cum cognitione. Latius patet voluntarium quam liberum; quia omne liberum est voluntarium, non contra, ut patet in voluntatis actibus primo primis, in amore beatifico &c. quae sunt voluntaria, non tamen libera.

Voluntarium *directum* dicitur, quod est à voluntate positivè agente: *indirectum* quod est à voluntate non agente eum agere possum, aut debeat, ut & omissione actus liberis & effectus ex ea fecutus, v. g. dum natus caret voluntate dirigendi navem, quam tenet habere.

Debis & sequentibus, hic questiones tantum speculativa, infra Part. II. practice traduntur.

Ad voluntarium indirecūm *negativum* non requiritur actus voluntatis; unde physice loquendo dari potest *pura omissione libera*, ad quam sufficit actum non ponere à voluntate potente illum ponere.

Nec plus requiritur ut supposita obligatione, actus omissionis sit peccaminosa. Ita cum pluribus docere videtur D. Thomas q. 2. de malo art. 1. *Aliquid, inquit, dicitur esse voluntarium non solum quia cadit sub voluntatis actu, sed quia cadit sub potestate voluntatis.*

Moraliter tamen non potest dari pura omissione libera sine aliquo actu eam causante, vel occasionante. Quia sine hoc vix procedit more humano.

Voluntas *pure omittens* habet negationem actus, à qua *præscindit* in statu *indifferentiae*, in quo est nos volens *præcivit* non negativè. Ad eam tamen prærequiritur *cognitio motivi avocantis ab actu*, sine qua haberi nequit *indifferentia judicium*, adeoque nec *æquilibrium voluntatis*.

Porrò ad omissionem liberam etiam requiritur *potestas sufficiens ad actum*. Sine hac enim non esset à voluntate non agente cum possit agere: unde omnis omissione voluntaria est libera, & ad eam requiritur aliquis actus intellectus objectum proponens sub *indifferentia*, licet non actus aliquis à voluntate elicitus.

Hinc *omissione peccaminosa* ex ignorantia vincibili supponit cognitionem confusam obligationis agendi, que tamen obligatio non est necessaria ad omissionem voluntariam; sed solum ad peccaminosam, de qua S. Thomas aliisque.

Effectus ex omissione fecutus ut sit voluntarius, requiritur aliqua eius cognitione, non obligatio cum impedienti se sequatur per se, secus si per accidens, ut redit Thomas aliisque. Quia alioquin talis effectus non esset moraliter connexus cum omissione & omittente ut eius causa.

Hinc peccata non sunt voluntaria Deo omittentilia impediens, ne quidem indirecte & permisive.

Impedienti effectus obligatio, in eo causat rationem voluntarii indirecte, faciendo ut habeat connexionem moralem cum non impediens, à quo debebat & vel ut exigeret impediens, ratione cuius connexionis prudenter iudicio effectus tribui potest non impidiens ut eius causa. Id autem ex quo aliud sequitur per accidens, non est eius causa, quia causa essentiale est per se influere.

Dicitur.

Dices, contra puram voluntatis omissionem: Concipi non potest, quomodo per illam possit voluntas ex indifferenti circa aliquid objectum fieri determinata, quod mutationem aliquam novam requirit. Ergo numquam datur illa omissio per se sine aliquo actu positivo voluntatis.

Resp. Satis id concepi posse, & ad illam determinationem & mutationem sufficere, ipsum exercitium libertatis per solam applicationem potentie liberte ad certum objectum ab illo actu, præsuppositi intellectus cognitione, motivis indifferentibus &c. & sic tollendo indifferentiam actus primi, & consti tuendo se in illo statu, ut ipsa omissio sit ipsi moraliter imputabilis. Atque ita in hac sententia facilius intellegitur exercitium libertatis divinae sine novo actu, uti & resistentia voluntatis nostra gratia divinae, per solam non cooperationem nostram cum gratia: quamvis sententia negans dari in voluntate nostra puram omissionem liberam, sit etiam probabilis.

Violentum est ab extrinseco, resistente passo, dicitur etiam respectu appetitus innati, *coactum* vero respectu solius eliciti.

In voluntatem *violentia* propriè cadere non potest quoad actus à se elicitos. Sunt enim voluntari coacti, quo sunt à voluntate eliciti: Potest *impropriè*, immo & propriè quoad cessationem ab actu, sed à solo Deo. Item quoad actus imperatos materialiter, id est, actus potentiarum, quibus voluntas solet impetrare: non tamen quoad motum vitalem potentia motiva, nisi à Deo violentia illa inferatur.

Ex *Meto* quod procedit, est voluntarium absolutè & ordinariè involuntarium secundum quid, ut jaætura metum metu naufragii, non semper, ut patet in efficiaci fugâ peccati ex metu gehenna: unde metus minuit quidem peccatum, non tollit. *De quo infra in Tomo II. part. III. tract. I. quest. 21. de Attritione ex Mengebene.*

Concupiscentia per se loquendo causat voluntarium simpliciter, non involuntarium secundum quid, nisi per accidens, ut quando reluctatur conscientia. Ratio est, quod non movet ad minus malum studio vitam à majori, sicut metus, sed ad bonum delectabile, ad quod voluntas de se habet propensionem.

Hinc concupiscentia auger voluntarium, licet minorat liberum, quatenus augendo ejus voluntatis inclinationem, minuit indifferentiam, ut rectè *S. Thomas*.

Ignorantia qua dicitur antecedens non causat à voluntate, & causat opus; *concomitans* neque causat à voluntate, neque causat opus; *consequens* causat à voluntate: si causat opus, est antecedens secundum quid, si non causat, concomitans secundum quid dici debet.

Ignorantia affectata, est studiosè quæsita; *Craspa*, est orta ex gravi negligentiâ, non *crassa*, ex levi, invincibili & justa est, quæ moraliter vitari nequit, invincibili contra, quæ per voluntatem vinci potest.

Si ignorantia sit *absolutè antecedens* causat involuntarium simpliciter quoad circumstantias ignoratas: *concomitans* non causat voluntarium nec involuntarium positivè, sed involuntarium privativè, seu non voluntarium in subiecto capaci; *consequens* causat voluntarium simpliciter, & subinde involuntarium secundum quid, quando nemp est causa operis.

De ignorantia *invincibili ac vincibili* deducuntur resolutiones infra in *Tom. II. Tract. I. pag. 8. &c.*

R.P. Arfdekk. Tom. II.

Repugnat *volitio* objecti sine prævia ejus cognitione: Est S. August. & Bernaldi, contra Germonem & Bonavent. Unde S. Dionysius ad unionem cum Deo non excludit omnem cognitionem, sed solum rerum creatarum. Experientia Extricorum absque ulla, ut ajunt, cognitione Deo affectivè unitorum, est mentis deceptio, quæ facilitate piorum affectuum putant se nihil cogitare, & sine cogitatione amare, &c.

Movet voluntas potentias inferiores, non physicè, sed imperio efficaci ratione subordinationis, & radiationis in ejusdem animæ potentia.

Voluntari subjiciuntur *sensus externi* mediata: *sensus internus*, appetitus sensitivus, & intellectus immediata, sed solum civiliter; potentia motiva despoticè, id est, sic ut resistere non possit.

§. III.

Liberum.

Liberum varie accipitur, nempe pro immuni à servitute hominis, à peccato, à concupiscentia, à coactione, & à necessitate antecedente. *Libertas à peccato* est libertas procedens à gratia eam conferente; libertas à coactione est libertas naturæ tali per se competens: libertas à necessitate est libertas indifferentiæ, sive potentia se ad utrumvis determinandi.

Liberum arbitrium convenit homini in statu *naturali* lapso, etiam in iis quæ sunt virtutis & vitii. Est de fide contra Lutherum, Calvinum &c. Parte ex Scrip. Concil. PP. ac præsertim ex S. Augstino, qui solum vult peccato primi hominis perditam esse libertatem à servitute peccati, diaboli, & concupiscentie. Conficitur veralibertas in libertate indifferentiæ, non in sola essentiali, sive à coactione, ut latius de s. prop. Jansenii *Tomo I. Tract. II. cap. II. pag. 117. & pag. 114.*

Actus liber non est aliquid *simplex*, sed *complexè* significabile, plura diversimode importans ex parte cognitionis, principiorum &c.

Quod in actu libero directè Deo placet, vel displace, est ipse actu, non secundum se, sed ut subfians variis connotatis, positivis, negativis, &c. ex quibus varia sunt ad bonum & malum indifferentia, uti & ipsa libertas illis innixa.

Voluntas potest ex *mediis equalibus* eligere alterum, immo & *minus bonum*. Quia hoc est utile, & utilius ad unum tale medium non esse necessitatum. Ratio posterior est, quod utrumque requiratur ad libertatem. Cum enim motiva in utramque partem semper proponantur ut *æqualia*, velut in *æquali* semper esset voluntas suspensa in casu *æqualitatis*, vel necessitata ad unum incalsum in *æqualitatibus*, quod salvâ verâliberatatem indifferentiæ admitti non potest.

Hinc homo volens salvacionem necessariò eligit medium securius: alioquin ejus electio non esset libera, & consequenter meritoria non foret.

Voluntas sive creata sive increata *necessitata ad melius* non esset libera: unde certum est voluntatem divinam posse ex bonis creatis *æqualibus* eligere utrumlibet, & ex *inæqualibus* minus bonum præelligere.

Eligere potest voluntas *minus bonum*, *speciativè*, non *reduplicativè*, sic nempe ut minoritas boni sit morale motivum electionis. Sic enim ferretur voluntas in malum quæ tale: nam electio minoris boni, præcisè qua talis, est inordinata, nullo alio motivo concurrente.

Isole
kin

Theo.
logia

Ista *elecciónis minoris boni* fit propter rationem tenetem ex parte potentiae, v. g. ratione exercitii libertatis, seu, quia ita placet. Unde per hoc non preferatur minus bonum majori signatae, sed solum exercite, quia scilicet hoc magis faver libertati ad electionem differentem boni à Deo hominibus concessae.

Efficax intentio finis determinat ad electionem *unius mediis* propositi ut hinc & nunc necessarii; quo non obstante electione remanet libera, tum denominativa, tum quoad circumstantias non necessarias ad finem, non quoad substantiam actus. Quia ut sic est necessaria ex suppositione antecedente, & non procedit à voluntate immediata ante indifferenti, quia supponitur intentionis finis fuisse absolute efficax.

Non solet intentio esse absolute efficax ante medii cognitionem, sed haber hanc tacitam conditionem, si in medio non reperiatur nimia difficultas, aut aliqua inhonestas.

Queres 1. An ad actum voluntatis liberum requiratur imperium rationis, sive judicium practicum determinans, cum quo non possit componi non actus?

Respond. negativè, cum *Suare, Vasque, Oviedo*, contra nostrum *Valentiam, & Bellarminum*, cum variis *Thomistis*. 1. Quia posito tali imperio voluntas non esset libera ad non agendum. 2. Quia intellectus, a quo procederet istud imperium sive judicium practicum, non est potentia formaliter libera. 3. Quia similitud ipsum imperium rationis debeat dependere à libertate voluntatis, vel dabitur progressus in infinitum, vel deveniendum erit ad aliquem actum voluntatis liberum, qui ab isto imperio sive judicio pratico non dependet, ut facile pater consideranti.

Queres 2. An aliqua potentia naturaliter non libera, v. g. alicuius animalis, possit elevari à Deo ad liberum agendum?

Resp. negativè, quia solus intellectus potest rem proponere cum indifferentia objectiva: & sola voluntas est potentia libera, sive capax libertatis, cum etiam ex libertate voluntatis humana probetur animae immortalitas, ex communis Theologorum consensu.

C A P U T II.

De actuum humanorum Bonitate & Malitia.

Bonitas moralis est convenientia cum recta ratione, Malitia est disconvenientia. Alia est objectiva ab objecto, alia formalis ab intrinseco actui conveniens: haec sumpta incompletè est ipsa actus tendentia, completem insuper dicit libertatem &c.

Actus internus accipit bonitatem ab objecto ut convenienter amabili, vel odibili; malitiam ab objecto ut disconvenienter amabili, vel odibili. Objecta actuum internorum, que secundum se sunt actus externi virtutis aut virtutum, ut datio elemosynæ, habent formaliter bonitatem & malitiam moralem, alia non causat alterius.

Actus versantes circa objecta de se *indifferentia* bonitatem aut malitiam accipiunt ex objecto formalis, & circumstantiis. Bonitas ex objecto est prima & specifica, cum actus specificentur ab objecto, etiam in esse mortali: similiter malitia actus sic specificatur.

Ut bonus censeatur actus, debet fieri in honestatem

objecti saltem confusè, cum ab ea debetur specificari, & constitui in esse actus honesti: at vero ut sit *malum* sufficit quod objecti malitia sit cognita, & interpretativa voluntatis. Malum enim est ex quolibet defectu.

Circumstantia est affectio accidentalis actui spectato in genere moris, aliquid tamen ad bonitatem, aut malitiam conferens est septuplex, scil. *Quis, quid, ubi, quibus auxiliis, cur, quomodo, quando*. Convenit etiam actui interno, ut duratio, intensio, modus quo fit cum majori, aut minori libertate, cognitione, refixitate, aut inclinatione passionis aut habitus, & similes circumstantiae, que se tenent ex parte actus aut potentie agentis. Quædam ex illis mutant speciem mortalem actus, quædam non mutant. Sic duplē speciem peccati haber volitus occidenti hominem in loco sacro, scil. homicidii & sacrilegii.

Bonitas & malitia sunt essentiales actui in esse *moris*, non in esse *natura*, cum quilibet actus entitatis invariatus fieri possit ex bono non bonus, per sublationem libertatis.

Quando est *Elecciónis mali mediis* ad Finem malum, habet *duplicem malitiam*, & quidem specie diversâ quando finis & medium habent malitias specie diversas, ut cum quis vulnus furari ad fornicandum. Secus est in electione boni præcisè ut medii ad bonum finem. Quia tunc electione honestatem mediis secundum se non attingit.

Actus minus perfectus potest imperare a actum se perfectiore, quia actus imperans non est principia ejus productivum, sed applicativum virtutis productivæ actus perfectioris. Hinc attritio hic & nunc imperans efficaciter contritionem non tollit ejus meritum, imo nec libertatem: Quia eo casu, actus imperans & imperatus sunt ex eadem determinatione voluntatis.

Actus imperatus, ab imperante accipit bonitatem extrinsecè & denominativè, codem serè modo, quo actus externus ab interno; secus imperans ab imperante: Quia ille ab hoc non dependet, sicut hic ab illo, utpote ab ordinante in finem determinatum.

Aliquis actus *venialiter malus* potest pro instanti quo est, imperare actum v. g. amoris Dei destructivum peccati mortalis: Quia amor ille per se mortali operantis, neque per actum imperantem intrinsecè visitatur.

Actus externus per se nihil addit bonitatis aut malitiae actui interno in ordine ad meritum aut demeritum coram Deo, qui ex Script. & PP. voluntatem profecto accipit: Ratio est, quod per se nihil addat libertatem. Plurimum tamen auget ejus bonitatem aut malitiam, per accidentem, ratione majoris durationis, intensio, & numericæ multiplicationis, que in actus externi exercitio intervenire solet.

Dices, Perceptio externa Sacramenti, & passio Martyrum addit peculiarem bonitatem actui interno quo illa desiderantur.

Resp. Illam addi ex opere operato, non ex opere operantis, de quo hic agimus.

Dantur aliqui actus *Indifferentes secundum speciem*, non positivè, id est, quibus ex sua essentia convenienter indifferentia ad bonum & malum, sed præcisive, id est, de se abstractentes à bono & malo, ut volitus abstracta calefactionis, ambulationis &c. & hoc sepius Patres indicare & velle videntur. Ratio, quia in hoc nulla ostenditur deordinatio. Major est difficultas,